



otpannews.kz

1973 ЖЫЛДЫҢ 13 СӘУІРІНЕН ШЫҒА БАСТАДЫ

МАҢҒЫСТАУ



Kaspi Bank
арқылы жазылу

№95-96 (10496) 4 ЖЕЛТОҚСАН, БЕЙСЕНБІ, 2025 ЖЫЛ

ОБЛЫСТЫҚ ҚОҒАМДЫҚ-САЯСИ ГАЗЕТ

ОБЛЫС ӘКІМІ МҰНАЙЛЫ ХАЛҚЫМЕН ЖҮЗДЕСТІ

КЕШЕ ОБЛЫС ӘКІМІ НҮРДӘУЛЕТ ҚИЛЫБАЙ МҰНАЙЛЫ АУДАНЫНА БАРЫП, ТҰРҒЫНДАРМЕН АШЫҚ КЕЗДЕСУ ӨТКІЗДІ. Ф.ОҢҒАРСЫНОВА АТЫНДАҒЫ АУДАНДЫҚ МӘДЕНИЕТ ҮЙІНДЕ ҰЙЫМДАСТЫРЫЛҒАН ЖИЫНҒА АУДАН ӘКІМІ ҚАНАТ ҚҰЛЖАНОВ, ОБЛЫСТЫҚ БАСҚАРМАЛАР МЕН ЖАУАПТЫ БӨЛІМДЕРДІҢ ӨКІЛДЕРІ ҚАТЫСТЫ.



Тұрғын үй кезегінде тұрған Бактылы Ниятбаева да өз өтінішін жеткізді. Аудан әкімі Қанат Құлжанов оның баспаналы болу мәселесі жақын арада шешілетінін айтты.

Сонымен қатар мал шаруашылығына қажетті су, көше шамдарын көбейту және жолдарды кеңейту мәселелері де қаралып, тиісті мамандарға тапсырмалар берілді. Кездесу соңында облыс

әкімі мен жауапты мамандар тұрғындарды жеке қабылдап, арыз-өтініштерін тыңдады.

«Маңғыстау» ақпарат.

ТҰРҒЫНДАР МӘСЕЛЕСІ ЕСКЕРУСІЗ ҚАЛМАЙДЫ

АҚТАУДА ҚАЛА ТҰРҒЫНДАРЫНЫҢ ҰСЫНЫС-ӨТІНІШТЕРІН ТЫҢДАУ ЖӘНЕ ӨЗЕКТІ МӘСЕЛЕЛЕРІН ТАЛҚЫЛАУ МАҚСАТЫНДА АШЫҚ ЕСІК КҮНІ ҰЙЫМДАСТЫРЫЛДЫ. БҰЛ ІС-ШАРА МАҢҒЫСТАУ ОБЛЫСЫНЫҢ ӘКІМДІГІ МЕН ҚАЛАЛЫҚ БАСҚАРМАЛАРДЫҢ ТҰРҒЫНДАРМЕН БАЙЛАНЫСЫН КҮШЕЙТУГЕ, АЗАМАТТАРДЫҢ СҰРАҚТАРЫ МЕН ҰСЫНЫСТАРЫН ТІКЕЛЕЙ ҚАРАУҒА БАҒЫТТАЛҒАН МАҢЫЗДЫ АЛАҢҒА АЙНАЛДЫ. ҚАБЫЛДАУДЫ МАҢҒЫСТАУ ОБЛЫСЫ ӘКІМІНІҢ ОРЫНБАСАРЛАРЫ ЕРБОЛ ИЗБЕРГЕНОВ ПЕН АББАТ ӨРІСБАЕВ, СОНДАЙ-АҚ АҚТАУ ҚАЛАСЫНЫҢ ӘКІМІ ӘБІЛҚАЙЫР БАЙПАҚОВ ЖҮРГІЗДІ.

Іс-шараға облыстық басқармалар мен департаменттердің басшылары, құқық қорғау органдарының өкілдері қатысты. Олар азаматтарды жеке қабылдап, әрбір өтінішті мұқият тыңдады, талқылады және заң талаптарына сәйкес шешім қабылдауға уәде берді.

Ашық есік күні барысында тұрғындар белсенділік танытып, өз мәселелерін жеткізді. Облыс әкімінің орынбасары Аббат Өрісбаевқа 80-ге жуық қала тұрғыны жүгінсе, Ербол Избергеновке 57 азамат өз ұсыныстарын айтты. Сонымен қатар Ақтау қаласының әкіміне шамамен 80 тұрғын мәселесін жеткізді. Басқармалар мен



департаменттер де 65 азаматтың өтінішін қабылдап, оларды қарау бойынша нақты тапсырмалар берді.

Ақтау қаласы әкімінің аппарат басшысы Асқар Нұржаубайдың айтуынша, тұрғындардың көтерген мәселелерінің басым бөлігі көп пәтерлі тұрғын үйлерге қызмет көрсетуші мекемелермен, жылу және электр желілік инфрақұрылым, жолдардың жағдайы, жер телімдерінің кезектілігі, тұрғын үй және коммуналдық шаруашылығы салаларымен байланысты болды.

Мемлекеттік органдардың өкілдері әрбір өтініштің заңнама талаптарына сәйкес қаралатынын атап өтті. Әр мәселе бойынша жауапты құрылымдарға нақты тапсырмалар беріліп, олардың орындалуы бақылауға алынды.

«Маңғыстау» ақпарат.

САҚТАНДЫРУ ЖҮЙЕСІ ЖАҢА ФОРМАТҚА ӨТЕДІ



ЕМХАНАҒА ТІРКЕУ АЯҚТАЛДЫ

Қазақстан бойынша 1 қыркүйек пен 1 қараша аралығында жүргізілген емханаларға тіркеу науқаны аяқталды. Бұл кезеңде маңғыстаулықтар да өз қалауы бойынша алғашқы медициналық-санитарлық көмек көрсететін ұйымды таңдап, тұрғылықты жеріне жақын орналасқан емханаға тіркелу мүмкіндігін пайдаланды.

Маңғыстау облысы денсаулық сақтау басқармасы басшысының орынбасары Бибізада Дүйсенбаеваның айтуынша, биыл өңір тұрғындары 33 медициналық ұйымның бірін таңдаған. Оның ішінде – 11 мемлекеттік және 22 жеке меншік емхана.

«Тұрғындардың өз емханасын еркін таңдай алу мүмкіндігі – медициналық қызмет сапасын арттыруға ықпал етеді. Әр адам үшін үйіне жақын, 15–20 минутта жаяу жететін емханада тіркелу маңызды. Бұл – көрсетілетін көмектің жеделдігіне және қолжетімдігіне тікелей әсер етеді», – дейді ол.

(Жалғасы 2-бетте)

• БҮГІНГІ САНДА

ПРОКУРОРЛАР ӘУЛЕТІ

МАҢҒЫСТАУ ОБЛЫСЫНЫҢ ПРОКУРАТУРА ОРГАНДАРЫНДА ТАРИХЫ 85 ЖЫЛДАН АСКАН ПРОКУРОРЛАР ДИНАСТИЯСЫ БАР, ОЛ – КОШЕВТЕР ДИНАСТИЯСЫ.

»7

КӨЗДЕРІ ҒАРІП, КӨҢІЛІ ЖАРЫҚ

Қ.СЫДИЙҚОВ АТЫНДАҒЫ ОБЛЫСТЫҚ ӘМБЕБАП КІТАПХАНАНЫҢ КӨЗІ КӨРМЕЙТІН ЖӘНЕ НАШАР КӨРЕТІН АЗАМАТТАРҒА АРНАЛҒАН ФИЛИАЛЫ ЕРЕКШЕ МҰҚТАЖДЫҒЫ БАР ЖАНДАРҒА 1971 ЖЫЛДАН БЕРІ ҚЫЗМЕТ КӨРСЕТПЕ КЕЛЕДІ.

»16